



Dámhachtain Sparánachta Ceoil 2025

Babhta 1

Treoirlínte d'íarratasóirí

Spriocdháta: 5.30pm (am na hÉireann), Déardaoin 13 Feabhra 2025

Iarratasóirí faoi mhíchumas

Déanann an Chomhairle Ealaíon gach iarracht freastal réasúnta a dhéanamh ar dhaoine faoi mhíchumas chun úsáid a bhaint as ár seirbhísí.

Má tá tú faoi mhíchumas agus má theastaíonn cúnamh uait le d'iarratas a chur isteach, déan teagmháil linn a luaithe is féidir roimh an spriocom.

Déan teagmháil le: An tOifigeach Rochtana do Dhaoine faoi Mhíchumas

Guthán: 01 618 0200 nó 01 618 0243

Ríomhphost: access@artscouncil.ie

CLÁR

Pointí tábhachtacha nach mór cuimhneamh orthu	3
Cabhair a fháil maidir le d'iarratas	4
1. Faisnéis faoin Dámhachtain Sparánachta Ceoil	5
1.1 Cuspóirí agus tosaíochtaí na dámhachtana	5
1.2 Athruithe ar bhabhta 1 den Dámhachtain Sparánachta Ceoil 2025	6
1.3 Cé atá i dteideal iarratas a dhéanamh?	6
1.4 Cé hé nó hí an t-iarratasóir?	7
1.5 Cé nach bhfuil i dteideal iarratas a dhéanamh?	8
1.6 Cad is féidir leat iarratas a dhéanamh air?	8
1.7 Cad air nach féidir leat iarratas a dhéanamh?	12
1.8 Cén t-ábhar tacaíochta nach mór duit a chur isteach le d'iarratas?	13
1.9 Incháilitheacht	15
1.10 Cá fhad a thógfaidh sé chun cinneadh a fháil?	16
2. An bealach chun d'iarratas a dhéanamh	17
2.1 Cláraigh le Seirbhísí ar Líne na Comhairle Ealaíon	17
2.2 Líon isteach an fhoirm iarratais	19
2.3 Ullmhaigh aon ábhar tacaíochta atá riachtanach don iarratas	19
2.4 Iarratas a dhéanamh ar líne	21
3. An chaoi a ndéanaimid measúnú ar d'iarratas	23
3.1 Forbhreathnú	23
3.2 An próiseas measúnaithe	23
3.3 Critéir chun iarratais a mheasúnú	24
3.4 Próiseas Tuairiscithe	25
3.5 Toradh na n-iarratas	27
3.6 Achomhairc	28

Pointí tábhachtacha nach mór cuimhneamh orthu

- D'fhoinn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriocdháta.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraig.
-

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin:

<http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar

- **01 618 0200**
- **01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoliniú á chur faoina mbráid agat ar ríomhphost nó ar an bhfón ocht **n-uaire is ceathracha ar a laghad** roimh an spriocdháta fógartha.

<http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh <https://www.youtube.com/artscouncildemos>

1. Faisnéis faoin Dámhachtain Sparánachta Ceoil

Tabhair faoi deara: Ba cheart d'ealaíontóirí gairmiúla sa cheol Gaelach traidisiúnta iarratas a dhéanamh ar Dhámhachtain Sparánachta na nEalaíón Traidisiúnta.

1.1 Cuspóirí agus tosaíochtaí na dámhachtana

Is é cuspóir na Dámhachtana Sparánachta Ceoil tacú le healaíontóirí gairmiúla aonair i réimse an Cheoil chun a gcuid cleachtas ealaíonta a fhorbairt go mór.

Díríonn an dámhachtain ar an luach agus ar an tairbhe a bhaineann ealaíontóirí, ag céim ar bith dá ngairmréim ghairmiúil, as tréimhse fhadaithe i mbun cleachtaidh ealaíonta. Mar sin, tugann an dámhachtain am agus acmhainní do na healaíontóirí chun smaoineamh, taighde agus machnamh a dhéanamh agus chun dul i ngleic lena gcleachtas ealaíonta trína chur ar a gcumas ceann amháin nó níos mó de na nithe seo a leanas a dhéanamh:

- Am dírithe a chaitheamh ar a gcuid cleachtas ealaíonta a fhorbairt go mór.
- Am a chaitheamh ag déanamh taighde/ag smaoineamh/ag forbairt smaoineamh nua lena scaipeadh ar leith
- Am dírithe a chaitheamh ag forbairt a gcuid scileanna teicniúla i réimse ar leith nó ag forbairt/ag foghlaim scileanna nua maidir lena gcleachtas nó réimse spéise
- Am a chaitheamh ag obair le meantóir, nó comhoibrí/comhoibrithe chun smaoineamh a fhorbairt, nó chun cabhrú le réimse ar leith dá gcleachtas, nó réimse a bhaineann lena gcleachtas, a fhorbairt nó a uas-sciliú
- Tabhairt faoi thréimhse ghairid oiliúna trí mháistir-ranganna nó deiseanna oiliúna gairmiúla eile (bíodh sin go náisiúnta nó go hidirnáisiúnta)
- Méid teoranta trealaimh agus ábhar a cheannach chun cabhrú le forbairt a gcleachtais (**Tabhair faoi deara:** ní féidir níos mó ná 15% de luach an iarratais iomlán ar thacaíocht a chaitheamh air sin).

D'fhéadfadh an méid seo a leanas a bheith i gceist le tograí féideartha:

- Tográí a chuireann ar chumas cumadóirí nó taibheoirí atá ag obair in aon seánra am a cheannach chun a gcleachtas ealaíonta a fhorbairt go mór.

- Tográí a éascaíonn forbairt nó cur i gcrích saothar ealaíne ar leith gan scaipeadh a chur san áireamh
- Tográí a chuireann ar chumas ealaíontóirí am a chaitheamh ar staidéar dírithe ar stór nó réimse teicníochta ar leith.

Tosaíochtaí straitéiseacha

Tá an Chomhairle Ealaíon tar éis an méid seo a leanas a aithint mar thosaíochtaí straitéiseacha le haghaidh tacaíochta tríd an dámhachtain seo:

- Forbairt ghairmiúil cumadóirí, stiúrthóirí agus taibheoirí Éireannacha ó chúlraí éagsúla atá ag teacht chun cinn agus a bhfuil a gcumas léirithe acu
- Ealaíontóirí ag obair i réimse leathan seánraí agus cleachtas ceoil, lena n-áirítear snagcheol agus ceol tobchumtha
- Ealaíontóirí gairmiúla atá ag obair ar cheol nua nó leaganacha de cheol tábhachtach stairiúil/neamh-chomhaimseartha na hÉireann nach bhfuil ar fáil go ginearálta go fóill a chruthú nó a thaibhiú.
- Ealaíontóirí gairmiúla atá ag forbairt cleachtas speisialtóra do thaibhiú bunaithe ar thréimhse stairiúil mar stiúrthóirí nó ionstraimithe
- Iarratasóirí nua ag obair ar fud réimse leathan seánraí ceoil.

Cuireann straitéis deich mbliana na Comhairle Ealaíon (2016–25), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo:

<http://www.artscouncil.ie/ga/straiteis-na-comhairle-ealaion/>.

I gcás an Cheoil, féach ar *An Ceol a Chur Chun Cinn: Beartas agus Straitéis Cheoil* de chuid na Comhairle Ealaíon (2023) ag an[nasc seo](#):

1.2 Athruithe ar bhabhta 1 den Dámhachtain Sparánachta Ceoil 2025

Níl aon athrú ar threoirlínte an bhabhta seo den Dámhachtain Sparánachta Ceoil.

1.3 Cé atá i dteideal iarratas a dhéanamh?

Tá an dámhachtain oscailte d'ealaíontóirí gairmiúla atá ag obair sna seánraí go léir agus ag gach céim dá ngairmréim. Le bheith i dteideal iarratas a dhéanamh, ní mór d'iarratasóirí:

- A bheith ina n-ealaíontóirí gairmiúla i mbun cleachtaidh – cé nach gá go dtuilleann siad ioncam go leanúnach nó go heisiach óna gcleachtas ealaíon,

ní mór do na hiarratasóirí iad féin a aithint agus a bheith aitheanta ag a bpiaraí mar ealaíontóirí gairmiúla atá i mbun cleachtaidh

- Cuntas teiste follasach a bheith acu ina seánra cleachtais cheoil
- A bheith ina gcónaí i bPoblacht na hÉireann. Ach, i líon teoranta cásanna, féadfaimid glacadh le hiarratais ó lasmuigh de Phoblacht na hÉireann. Sa chás seo, **ní mór duit a lua i d'fhoirm iarratais** an chaoi a rachadh do thogra chun tairbhe na n-ealaíon i bPoblacht na hÉireann. Chaithfimis a bheith sásta le do mhíniú.

Mar chuid dá [Beartas Comhionannais, Éagsúlachta agus Ionchuimsitheachta](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir féideartha beag beann ar:

- Aois
- Stádas sibhialta nó teaghlaigh
- Míchumas
- Inscne
- Ballraíocht den Lucht Siúil
- Cine
- Reiliúin
- Claonadh gnéis
- Cúlra socheacnamaíoch.

Sa scéim maoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá bainteach leo.

1.4 Cé hé nó hí an t-iarratasóir?

Is ionann an t-iarratasóir agus an té a gheobhaidh aon mhaoliniú a thairgfear agus a bheidh freagrach as glacadh le téarmaí agus le coinníollacha an mhaoinithe sin.

Ní íocfar aon mhaoliniú a thairgfear ach isteach i gcuntas bainc atá in ainm an iarratasóra.

Níor mhór go mbeadh na cáipéisí go léir a chuirfear ar fáil in ainm an iarratasóra, e.g. má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, níor mhór go mbeadh gach cáipéis, lena n-áirítear sonraí bainc agus sonraí cánach, san ainm sin. Ní ghlaicfar le leaganacha éagsúla amhail Mary Barry nó Máire Barry.

1.5 Cé nach bhfuil i dteideal iarratas a dhéanamh?

Áirítear na daoine seo a leanas leo siúd nach bhfuil i dteideal iarratas a dhéanamh:

- Daoine atá i mbun oideachas fochéime faoi láthair (lena n-áirítear daoine atá ag tabhaint faoi bhonnchúrsaí)
- Daoine atá ag lorg tacaíochta i dtreo táillí le haghaidh cúrsaí iarchéime (lena n-áirítear neamhchreidiúnaithe)/ardoideachais nó staidéir
- Daoine aonair atá ag lorg tacaíochta i dtreo oibre a rinneadh mar chuid de staidéir iarchéime
- Daoine atá ag lorg costais i dtreo tabhaint faoi intéirneacht
- Má tá tú fostaithe go lánaimseartha, caithfidh tú a bheith ag lorg am saor ón bhfostaíocht chun oibriú ar do chleachtas, agus ba chóir an chaoi a bhfuil sé i gceist agat tabhaint faoi seo a leagan amach i d'iarratas
- Comhaltaí Aosdána a fhaigheann *Cnuas*.

Is féidir leat cur isteach ar aon bhabhta amháin den Dámhachtain Sparánachta in 2025. Cuirfear dhá bhabhta ar fáil in 2025. Osclófar Babhta 2 den Dámhachtain Sparánachta go déanach i mí na Bealtaine 2025.

1.6 Cad is féidir leat iarratas a dhéanamh air?

Is é an t-uasmhéid is féidir a bhronnadh ar gach iarratasóir rathúil:

- **€20,000**

Is é an t-íosmhéid ar féidir iarratas a dhéanamh air ná:

- **€5,000**

Cuir an méid a bhfuil iarratas á dhéanamh agat ina leith in iúl le do thoil i gcuid 3 den fhoirm iarratais.

Tabhair faoi deara go measfar go bhfuil d'iarratas **neamh-incháilithe** má chuireann tú isteach ar níos mó ná an t-uasmhéid (ach amháin má tá tú ag cur isteach ar chostais bhrefise rochtana pearsanta do rannpháirtí nó duine faoi mhíchumas) nó níos lú ná na híosmhéideanna thuasluaite.

- Tá an sparánacht ar fáil ar feadh suas le bliain amháin; ní bhronnfar dámhachtainí ilbhliantúla.
- Leagtar béim sa dámhachtain ar chumas ealaíontóirí ‘am a cheannach’. Dá bhrí sin, ba cheart an méid a íocfaidh tú leat féin as an am a chaithfidh tú ag forbairt do chleachtais mar ealaíontóir a chur san áireamh sa mhéid a iarrann tú. D’fhéadfadh go mbeadh sé seo cothrom le suas le 100% den dámhachtain.
- Ba cheart go mbeadh an méid a shonraíonn tú mar íocaíocht duit féin – agus d'aon mheantóirí nó comhoibrithe a d'fhéadfadh a bheith agat ag obair leat - cineál do chleachtais agus an méid ama a bheartaíonn tú a ghlacadh, agus ba cheart go mbeadh sé oiriúnach do dhálaí caighdeánacha i do réimse cleachtais ealaíon. Ba cheart duit íocaíocht chuí a thabhairt duit féin. Ná cuir isteach ar mhéid atá níos lú ná an méid a theastódh chun do chuspóirí a bhaint amach.

Ceadaítear costais eile faoin dámhachtain más costais bhunúsacha iad chun tacú le forbairt chleachtas an ealaíontóra – e.g.

- Táillí cuí don am a chaitheann aon mheantóirí nó comhoibrithe a oibríonn leat ar an gníomhaíocht nó ar na gníomhaíochtaí, a bhfuil tacaíocht uait ina leith
- Ábhair (suas le huasmhéid 15% den mhéid iomlán atá á iarraidh) nó seirbhísí ar cíos atá riachtanach chun a gcleachtas ealaíne a fhorbairt fad is go bhfuil sé soiléir go mbaineann an t-iarratas leis an togra chun ‘am a cheannach’.

Costais rochtana d'ealaíontóirí nó rannpháirtithe¹ faoi mhíchumas

Tá an Chomhairle Ealaíon tiomanta dár gcláir mhaoinithe agus an obair a mhaoinímid a dhéanamh inrochtana do chách.

Tógann an Chomhairle Ealaíon an sainmhíniú ar mhíchumas ó Airteagal 1 de

¹ Tugann an Chomhairle Ealaíon sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlacadh i gníomhaíochtaí ealaíonta.

Choinbhinsiún na Náisiún Aontaithe ar Chearta Daoine faoi Mhíchumas, ina sonraítear:

‘Áirítéar i measc daoine faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfach ar mallachair iad, nuair a nasctar iad le nithe eile, a d’fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.’

Is féidir leat costais rochtana do dhaoine faoi mhíchumas a chur san áireamh laistigh de d'iaratas agus tá dhá chineál ann ar féidir leat iarratas a dhéanamh orthu.

1. Costais phearsanta do rannpháirtithe nó do dhaoine faoi mhíchumas

Ba cheart go mbainfeadh an tacaíocht seo bacainní d'ealaíontóirí nó do rannpháirtithe faoi mhíchumas a bhfuil do thogra á sheachadadh acu. Mar shampla:

- Tusa
- Na príomhealaíontóirí, daoine aonair, grúpaí nó eagraíochtaí a bhfuil baint acu le do thogra
- Comhpháirtithe nó comhoibrithe
- Foireann Iéiriúcháin
- Príomhfhoireann nó príomhphearsanra riarracháin.

D’fhéadfaí an méid seo a leanas a áireamh le roinnt samplaí den tacaíocht:

- Ateangaire Theanga Chomharthaíochta na hÉireann do rannpháirtí nó do rannpháirtithe
- Seirbhísí oibrí tacaíochta rochtana
- Am breise cleachtaidh nó sa stiúideo

Tabhair faoi deara: is féidir cur isteach ar na costais rochtana phearsanta do dhaoine agus do rannpháirtithe faoi mhíchumas anuas ar an uasmhéid atá ar fáil don dámhachtain.

2. Costais rochtana lucht féachana do dhaoine faoi mhíchumas

Is costais iad seo chun do chuid oibre a dhéanamh insroichte do dhaoine faoi mhíchumas agus ba cheart iad a mheas mar ghnáthchuid de do chuid oibre. Táimid ag iarraidh a chinntíú go mbainfidh tuilleadh daoine sásamh as

eispéiris ealaíon ar ardchaighdeán agus gur féidir le gach duine rochtain a fháil ar, agus sásamh a bhaint as an obair a mhaoinímid.

Sampla de chostais rochtana chun do chuid oibre a dhéanamh insroichte do lucht féachana is ea:

- Ateangaire TCÉ le haghaidh d'imeachta nó le haghaidh do thaibhithe
- Seirbhís tráchtaireseachta fuaimé a úsáid
- Do shuíomh gréasáin a chur in oriúint do léitheoirí scáileáin
- Ábhair thaispeántais a chruthú i bhformáidí eile amhail Braille nó fuaim.

Tabhair faoi deara: ní mór duit costais rochtana lucht féachana do dhaoine faoi mhíchumas a chur san áireamh sa tsuim ionlán a iarrann tú. Ní mór dóibh a bheith laistigh den uasmhéid atá ar fáil don dámhachtain.

Cad a tharlóidh má tá an maoiniú a chuirtear ar fáil níos lú ná an méid a d'iarr mé?

Má thraigtear maoiniú duit atá níos lú ná an méid a d'iarr tú, pléifimid leat conas a bheartaíonn tú do ghníomhaíocht mholta a sheachadadh agus athbhreithniú á dhéanamh agat ar an mbuiséad athbhreithnithe.

Conas iarratas a dhéanamh ar chostais rochtana do dhaoine faoi mhíchumas

Ní mór dúinn tuiscint a fháil ar an bhfáth a bhfuil tú ag cur isteach ar chostais rochtana do dhaoine faoi mhíchumas agus ar an gcaoi a gcomhlíonann siad riachtanais do rannpháirtithe nó do lucht féachana.

Má chuireann tú costais rochtana do dhaoine faoi mhíchumas san áireamh i do thogra, ní mór duit na costais a léiriú in dhá líne ar leithligh den fhoirm iarratais.

- Líne le haghaidh costais rochtana phearsanta do dhaoine nó do rannpháirtithe faoi mhíchumas agus sin amháin
- Líne le haghaidh costais rochtana phoiblí do dhaoine faoi mhíchumas agus sin amháin

Caithfear cáipéis a uaslódáil freisin ina liostaítear na costais sin i dteannta na n-ábhar tacaíochta. Tá teimpléad roghnach ar fáil ar leathanach na

dTeimpléad Íocaíochtaí ar shuíomh gréasáin na Comhairle Ealaíon.

Tabhair faoi deara: is cuma má úsáideann tú teimpléad na Comhairle Ealaíon nó do cháipéis féin, ní mór an dá chineál costas rochtana do dhaoine faoi mhíchumas a thaispeáint ar leithligh.

Lena fháil amach faoin mbealach a ndéanann muid d'iarratas a mheas, féach ar chuid 3 de na treoirlínte thíos.

Cén seans atá agat tacaíocht a fháil?

Is dámhachtain fhíor-iomaíoch í seo. Faightear i bhfad níos mó iarratas ná mar is féidir leis an gComhairle Ealaíon tacaíocht a thabhairt dóibh. Go ginearálta, bíonn éileamh idir ceithre agus cúig huaire níos mó ná an buiséad atá ar fáil ar an dámhachtain.

I gcás go moltar tograí i gcomhair maoiniú, déanfaimid iarracht nuair is féidir na méideanna iomlána a iarradh a sholáthar. Mar sin féin, coimeádann an Chomhairle Ealaíon an ceart chun méid níos lú a thairiscint d'iarratasóirí ná a iarradh, má mheastar tograí a bheith indéanta ar scála laghdaithe.

1.7 Cad air nach féidir leat iarratas a dhéanamh?

Ní fhéadfaidh tú cur isteach ar níos mó ná dámhachtain sparánachta amháin i réimse aon fhoirme ealaíne nó aon chleachtais ealaíon in aon bhabhta maoiniúcháin amháin – e.g. dhá iarratas a chur isteach ar Dhámhachtain Sparánachta Scannáin nó cur isteach ar Dhámhachtain Sparánachta Damhsa agus ar Dhámhachtain Sparánachta Amharclannaíochta.

Ní féidir leat cur isteach ar Thograí, ar ghníomhaíochtaí agus ar chostais:

- Nach n-oireann do chuspóir na dámhachtana – má bhíonn tú in amhras maidir leis an dámhachtain/scéim ar cheart iarratas a dhéanamh uirthi, léigh na treoirlínte ar shuíomh gréasáin na Comhairle Ealaíon. Mura bhfuil sé soiléir fós, faigh comhairle ó fhoireann na Comhairle Ealaíon (sonraí teagmhála ar an suíomh gréasáin)
- A d'oirfeadh níos fearr do dhámhachtain eile a mhaoiníonn an Chomhairle Ealaíon nó atá á feidhmiú ag eagraíochtaí eile ar son na Comhairle Ealaíon
- Ar tionscadail taifeadta iad le scaipeadh go poiblí – ba cheart do na hiarratasóirí a bhfuil baint ag a bpríomhgníomhaíocht le taifeadadh a

scaipeadh go poiblí, ba cheart dóibh cur isteach ar an Dámhachtain do Thionscadail Cheoil ina háit sin

- A bhfuil stór léirithe a fhoghlaim/a chleactaidh mar chuid den ghairmréim léirithe (taibhealaíontóirí) i gceist leo
- Ar cuireadh tús leo cheana nó ar cuireadh i gcrích iad sula ndéantar cinneadh faoi d'íarratas. Féach cuid **1.10 Cá fhad a thógrfaidh sé chun cinneadh a fháil?**
- A ndearna an Chomhairle Ealaíon measúnú orthu cheana féin, mura féidir leat a léiriú go ndearna tú an togra a fhorbairt ó chuir tú íarratas isteach cheana nó má mhol an Chomhairle Ealaíon duit go sonrach d'íarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an íarratas.
- A bhfuil sé mar aidhm acu airgead a thiomsú d'eagraíochtaí eile ag carthanachtaí cláraithe
- A bhfuil sé mar aidhm acu páirt a ghlacadh i gcomórtas
- A bhfuil sé mar aidhm acu brabús a ghnóthú.

1.8 Cén t-ábhar tacaíochta nach mó duit a chur isteach le d'íarratas?

Ciallaíonn ábhar tacaíochta ábhar **ar leith ó** d'fhoirm íarratais agus **sa bhreis air**. Cabhraíonn sé seo leis an duine a bhfuil measúnú á dhéanamh aige ar d'íarratas chun tuiscint níos soiléire a fháil ar do thogra. Léigh go han-chúramach an liosta seo a leanas den ábhar tacaíochta a theastaíonn, mar is é an chúis is mó a meastar íarratais a bheith neamh-incháilithe ná go dtéiptear cloí leis seo.

Le bheith incháilithe i gcomhair Dámhachtain Sparánachta Ceoil, **caithfidh** tú an t-ábhar tacaíochta seo a leanas a chur isteach ar líne. Beidh míreanna 1 agus 2 riachtanach do gach íarratas:

1. **CV an íarratasóra:** CV cothrom le dáta, mionsonraithe ar leithligh (trí leathanach ar a mhéad) ina bhfuil cur síos soiléir ar do réimse cleachtais agus ar do chuntas teiste ealaíonta
2. **Samplaí de shaothair:** 1-3 (ar a mhéad) thaifeadadh fuaimé agus/nó chomhad AV d'ardchaighdeán agus/nó nasc (chuig fuaim/AV) a léiríonn do chleachtas agus do chuntas teiste ealaíonta go dtí seo. I gcás cumadóirí a

chumann scóir go rialta mar chuid dá gcleachtas, caithfear trí scór nó shliocht shuntasacha ar a mhéad de shaothar ceoil a cuireadh i gcrích le déanaí nó a foilsíodh roimhe seo a sholáthar. **Tabhair faoi deara: caithfear** scóir a uaslódáil mar chomhaid PDF (féach thíos) agus a bheith de bhreis ar an bhfuaim/na comhaid chlosamhairs a sholáthraítear.

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'íarratas.

Ábhair thacaíochta eile

I gcás go mbraitheann do thogra ar shaineolas daoine eile nó eagraíochtaí eile, ba cheart duit beathaisnéisí gearra a dtugann achoimrí ar a saineolas, ar a gcreidiúnú agus ar a gcuntas teiste a chur isteach. Neartóidh an t-eolas seo do thogra agus beidh sé mar chuidiú don phróiseas measúnaithe.

Ábhar breise a bhíonn de dhíth i gcásanna áirithe

Má tá tú ag lorg costais rochtana bhereise phearsanta do dhaoine nó do rannpháirtithe faoi mhíchumas nó don lucht féachana faoi mhíchumas, cuir cáipéis san áireamh ina leagtar amach na costais sin, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.

Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

D'íarratais a bhaineann le leanaí agus le daoine óga atá faoi bhun 18 mbliana d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'íarratas, beidh ort, mar choinníoll maoiniúcháin, a

dheimhniú agus a léiriú go bhfuil beartais agus nósanna imeachta oriúnacha um chosaint leanaí i bhfeidhm agat.

- Má éiríonn leat, iarrfar ort Féin-iniúchadh Dearbhaithe Cáilíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chuig www.tusla.ie le tuilleadh faisnéise a fháil maidir le Tús Áite do Leanaí.
- Éileofar ort freisin do chuid sonraí a nuashonrú sa táb faisnéise faoin bpróifil sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an gcohórt seo nó go gcuirfidh tú obair i láthair don gcohórt seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

* Tabhair faoi deara go bhféadfaí iarradh ort níos mó fianaise maidir le cloí leis na beartais seo a chur ar fáil má bhíonn rath ar d'iarratas

Má bhíonn tuilleadh faisnéise uait faoi na formáidí is féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3 Uillmhaigh aon ábhar tacaíochta atá riachtanach don iarratas.**

Beidh d'iarratas neamh-incháilithe mura gcuirfidh tú an t-ábhar tacaíochta riachtanach isteach.

1.9 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudai seo a leanas leis:

1. Chuir tú an t-iarratas isteach i ndiaidh an spriocdháta.
2. Ní sheolann tú isteach foirm iarratais chomhlánaithe trí Sheirbhísí Ar Líne (ní ghlacfar le foirm iarratais a cheanglaítear mar cháipéis tacaíochta).

3. Níor chomhlánaigh tú gach rannán den fhoirm iarratas a bhaineann le do thogra.
4. Níl tú incháilithe iarratas a dhéanamh faoi na critéir a leagtar amach i gcuid 1.3 agus i gcuid 1.5 thusas.
5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar atá leagtha amach i gcuid 1.6 thusas (ach amháin nuair atá tú ag déanamh iarratas ar mhéid breise chun costais rochtana do dhaoine faoi mhíchumas a chlúdach).
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.7 thusas.
7. Níor chuir tú gach ceann de na hábhair thacaíochta riachtanacha ar fáil trí OLS, mar a leagtar amach i gcuid 1.8 thusas.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfimid an deis maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú in ann iarratas a dhéanamh leis an togra céanna i mbabhtaí maoinithe sa todhchaí.

1.10 Cá fhad a thógfaidh sé chun cinneadh a fháil?

Braithfidh an méid ama a thógfaidh sé orainn cinneadh a dhéanamh ar líon na n-iarratas a gheobhaimid. Go ginearálta, ag brath ar líon na n-iarratas, d'fhéadfadh go dtógfadh sé suas le 12-15 seachtaine.

2. An bealach chun d'íarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach íarratas a dhéanamh trí Sheirbhísí ar Líne na Comhairle Ealaíon; ní ghlaicfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun íarratas a dhéanamh.

Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo:

<https://onlineservices.artscouncil.ie/register.aspx?&lang=gd-ge>.

Laistigh de chuíg lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí Idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

PC Córás oibriúcháin Windows 7 nó leagan níos déanaí de Windows leis na leaganacha brabhsálaithe seo a leanas: Microsoft Edge nó Firefox nó Chrome, nó leagan níos déanaí d'aon cheann de na brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin Mac *leis* na leaganacha brabhsálaithe seo a leanas: Safari nó Firefox nó Chrome nó Microsoft Edge, nó leagan níos déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid leagan níos déanaí de Safari, nó brabhsálaithe difriúla ar nós Firefox, Chrome, nó Microsoft Edge.

Tabhair faoi deara: ní mór go mbeidh Microsoft Word (Deasc) nó OpenOffice Writer suiteáilte freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo:

<https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9XxgmgoEo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratas nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuaí de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteaghmháil linn le comhairle a fháil chomh luath agus is féidir leat roimh an spriocdháta.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Ba cheart duit d'iarratas a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacáíocht theicniúil uait agus iarratas ar líne á dhéanamh agat, is féidir leat dul i dteaghmháil leis an gComhairle Ealaíon ach ríomhphost a sheoladh chuig onlineservices@arts council.ie nó trí ghlaoch a chur ar 01 6180200/01 6180243. Molaimid duit aon deacrascháí teicniúla a thuaireisciú dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tú freastail ar an gceann is túisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spriocdháta.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word (Deisce)/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaón in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Uillmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánná nó taifeadtaí fuaime (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas na formáidí comhaid atá inghlactha mar chuid d'iarratas ar dhámhachtain sparánachta.

Cineál comhaid	Iarmhír comhadainm
téacschomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx

Comhaid PDF	.pdf
-------------	------

Ar mhaite le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. **Ní mó** ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'iaratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe nach gcuireann teorainn ar rochtain trí shíntiús airgeadais. Chun é sin a dhéanamh, cóipeáil an URL (seoladh iomlán an tsuímh ar a bhfuil d'ábhar á óstáil) isteach i gcáipéis Microsoft Word (Deisce) nó OpenOffice Writer nó doiciméad PDF agus uaslódáil é mar cháipéis tacaíochta ina bhfuil nasc gréasáin.

“Cé nach liosta iomlán é seo, ba shamplaí d'ardáin chomhroinnte inghlactha iad YouTube, Vimeo, SoundCloud, Bandcamp.

Tabhair faoi deara nach nglacfaimid le naisc chuig na foinsí seo a leanas:

- Suíomhanna comhroinnte comhad – e.g. Google Drive, OneDrive
- Ardáin na meán sóisialta – e.g. Meta, Instagram
- Do shuíomh gréasáin pearsanta féin

Tabhair faoi deara: ní bhreathnóidh na measúnóirí ach amháin ar naisc URL a chuireann tú ar fáil. Tá sé tábhachtach go ndéanfaidh tú cinnte go n-oibríonn gach nasc sa doiciméad **agus** go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar tacaíochta agus breathnú air.

Ná marcáil d'ábhar mar ‘príobháideach’ mar nach mbeidh sé ar fáil lena mheasúnú. Athraigh na socruithe ar d’fhíseán go ‘neamhliostaithe’ más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar

shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháiéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le tabhairt	russelljack gearrthóg taibhithe.mp4
ar chomhaid i gcás	russelljack Tionscadal ailtireachta teimpléad buiséid
iarratasóra darb	babhta 2.xls
ainm Jack Russell	russelljack nasc youtube.doc

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

Tabhair faoi deara: carachtair nach gceadaítear in ainmneacha comhaid: " * : < >? / \

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

Tabhair faoi deara: Is féidir leat cur isteach ar aon bhabhta amháin den Dámhachtain Sparánachta in 2025. Dúnfar babhta 1 den Dámhachtain Sparánachta 2025 an 13 Feabhra 2025.

Ní chuirtear ach babhta **amháin** ar fáil san Ailtireacht, sa Scannánaíocht agus sa Cheoldrámaíocht.

2.4.1 Roghnaigh clár maoinithe agus íoslódáil foirm iarratais

Chun tú a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go

mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CV/CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mó duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá d'fhoirm iarratais curtha i gcrích agat mar chomhad **.docx**, agus má tá tú muiníneach go bhfuil d'fhoirm iarratais comhlánaithe i gceart agat (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhad **.doc** agus í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú ionlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhereagras a bhaineann leis an iarratas seo. **Tabhair faoi deara:** tá sé tábhachtach go rachfá i dteaghmháil le onlineservices@arts council.ie mura bhfaigheann tú an dara ríomhphost deimhnithe ina mbeidh an uimhir iarratais.

3. An chaoi a ndéanaimid measúnú ar d'íarratas

3.1 Forbhreathnú

Déanann an Chomhairle Ealaíon gach íarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntíú go bhfuil córas cothrom tréadhearcach ann maidir le maoliniú a bhronnadh.

3.2 An próiseas measúnaithe

Nuair a fhaightear é, déanfaidh an Chomhairle Ealaíon d'íarratas a phróiseáil mar seo a leanas:

- 1** Indiaidh d'íarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'íarratas leis.
 - Ba cheart go dtiocfadh an dara ceann cúpla nójead ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'íarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'íarratas incháilithe le haghaidh measúnú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@arts council.ie

-
- 2** Seiceáltear inghlacthacht an iarratais. Féach ar chuid **1.8 Incháilitheacht** thuas.
 - 3** I roinnt cásanna, b'fhéidir nach é an réimse ealaíon a ndearna tú iarratas air an ceann is oiriúnaí do do thogra. I gcás mar sin, déanfaimid teagmháil leat agus fiafróimid díot an bhfuil tú sásta go mbogfaimid d'íarratas chuig foireann ealaíon níos oiriúnaí. Beidh ort ansin rogha a dhéanamh d'íarratas a bhogadh, nó é a fhágáil faoin réimse ealaíon a ndearna tú iarratas air.
 - 4** Déanann comhairleoír(i) agus/nó an foireann measúnú ar an iarratas agus tugann scór dó bunaithe ar na critéir don phróiseas measúnaithe
-

agus scórála a leagtar amach thíos.

-
- 5 Molann comhairleoir(í) agus/nó an fhoireann ar cheart iarratas a chur ar an ngearrliosta nó nár cheart.
 - 6 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
 - 7 Cuirtear na cinntí in iúl do na hiarratasóirí i scríbhinn.
 - 8 Déanann an Chomhairle nota de na cinntí.
-

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar gach iarratas a mheasúnú de réir na gcritéar seo a leanas:

- Caighdeán ealaíonta
- Na bealaí ina gcomhlíontar cuspóirí agus tosaíochtaí na dámhachtana iontu
- Indéantacht

Is é seo a leanas an próiseas a úsáidfear chun measúnú a dhéanamh ar na critéir sin:

Caighdeán ealaíonta

I gcás an mheasúnaithe ar chaighdeán ealaíonta, dírítear ar chleachtas an ealaíontóra roimhe sin agus ar nádúr an togra. Áirítear anseo:

- Cuntas teiste agus/nó cumas an ealaíontóra a léirítear leis an bhfoirm iarratais, an CV agus leis na hábhair thacaíochta eile a cuireadh isteach
- An ghníomhaíocht ealaíon nó na gníomhaíochtaí ealaíon atá beartaithe de réir mar a léirítear san fhoirm iarratais
- Cleachtas an ealaíontóra arna léiriú leis an ábhar tacaíochta a cuireadh isteach
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uaillmhian, an úrnuacht agus an inniúlacht atá léirithe ag an ealaíontóir

- Cuntas teiste an mheantóra agus cálíocht an chláir meantóireachta, más ábhartha don togra, mar a léirítear leis an bhfoirm iarratais, an CV agus leis na hábhair thacaíochta eile a cuireadh isteach
- Caighdeán agus oriúnacht na dtacaíochtaí atá á dtairiscint ag eagraíochtaí comhpháirteachais, más ábhartha.

Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – féach ar chuid **1.1 Cuspóirí agus tosaíochtaí na dámhachtana** faoi choinne sonraí.

Mar shampla, d'fhéadfadh go n-áireofaí le measúnú den sórt sin breathnú ar an tairbhe a bhainfeadh cleachtas an ealaíontóra as an ghníomhaíocht atá beartaithe agus ar an bhforbairt a dhéanfaí ar an gcleachtas sin, nó ar an méid a phléitear leis na tosaíochtaí ar leith a aithníodh.

Cé go bhféadfadh iarratasóirí foirmeacha ealaíne/cleachtais ealaíon eile a roghnú atá ábhartha dá n-iarratas, déanfaidh an fhoireann atá freagrach as an bpriomhfhfoirm ealaíne roghnaithe an measúnú agus d'fhéadfaidís siúd, i gcásanna áirithe, measúnú tánaisteach a iarraidh ar fhoireann ealaíon eile.

Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear air sin breathnú ar na nithe seo a leanas:

- An clár ama nó an sceideal atá beartaithe
- An méid maoinithe atá á lorg i gcomparáid le nádúr agus fad na hoibre beartaithe
- Más ábhartha, infhaighteacht na dtacaíochtaí nó na gcomhpháirtithe eile a ainmnítear san iarratas.

3.4 Próiseas Tuairiscithe

Is é cuspóir chruiinnithe an phainéis piaraí ná éagsúlacht tuairimí saineolacha a cheadú chun faisinéis a chur ar fáil don phróiseas cinnteoireachta. De ghnáth cuimsíonn painéis phiaraí triúr moltóirí seachtracha ar a laghad ag a bhfuil saineolas ábhartha ar an bhfoirm ealaíne agus/nó ar an gcleachtas ealaíon,

agus/nó a bhfuil eolas leathan oibre agus tuiscint ghinearálta ar na healaíona gairmiúla acu.²

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoírí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcrúinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoliniú ach líon beag de na hiarratais a gheofar.

Próiseas scórála an phainéil

Iarrtar ar an bpainéal na hiarratais a scóráil de réir an chórais seo a leanas:

A – Caithfear a Mhaoliniú (10 bpointe): dar leis an gcomhalta painéis gur comhlíonadh na critéir go léir san iarratas le haghaidh na dámhachtana agus go bhfuil maoliniú tuillte aige ar an mbonn sin, an méid atá á iarraidh más féidir.

B – Ba Chóir a Mhaoliniú (8 bpointe): dar leis an gcomhalta painéis gur comhlíonadh na critéir san iarratas an oiread sin go bhfuil maoliniú tuillte aige má tá acmhainní ar fáil.

C – D’fhéadfaí a Mhaoliniú (5 phointe): dar leis an gcomhalta painéis gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.

D – Ní Tosaíocht É (2 phointe): dar leis an gcomhalta painéis nár comhlíonadh na critéir san iarratas an oiread sin go bhfuil maoliniú tuillte aige.

Dearbhú leasa

D’fhoínn cothroime agus cothromas sa chinnteoireacht a chinntiú, ní mór do chomhaltaí painéis leas a dhearbhú má tá dlúthcheangal pearsanta nó gairmiúil

² I gcás foirmeacha ealaíne a ndéantar líon níos lú iarratas ina leith, féadtar painéis a thionól chun grúpaí iarratas a mheas ag an gcrúinniú céanna den phainéal.

acu le hiarratasóir nó má tá baint acu ar shlí ar bith leis an iarratas. Féadann ‘leas’ a bheith ina ‘leas airgid’ (e.g. áit a bhféadfadh duine tairbhe airgeadais a bhaint as cinneadh) nó ina ‘leas neamhairgid’ (e.g. gaol muintire, nó comhpháirtíochtaí, caidrimh phearsanta, nó comhpháirtíochtaí gnó idir fhoirmiúil agus neamhfhoirmiúil, etc.).

Ní mór an leas a dhearbhú a luaithe agus is eol don chomhalta painéis é a bheith ann. D’fhéadfadh sé sin tarlú ag an bpointe nuair a iarrtar orthu suí ar an bpainéal (más eol an ‘leas’ ag an bpointe sin) nó tar éis liosta na n-iarratasóirí a fháil. I gcás go ndearbhaítéar leas, ní bhfaighidh an comhalta painéis sin páipéis a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéis.

I roinnt cásanna, d’fhéadfadh sé nach n-aithneodh comhalta painéis go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar na páipéis phainéis. I gcásanna den sórt sin ní mór don chomhalta painéis ball foirne den Chomhairle Ealaíon nó Cathaoirleach an phainéis a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéis, ní mór dóibh é sin a dhearbhú a luaithe agus is eol dóibh go bhfuil a leithéid ann agus an fógra sin a thabhairt i scríbhinn roimh an gcrúinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Cuirfear ríomhphost chugat mura gcuirfear d'iarratas ar ghearrliosta. Má chuirtear d'iarratas ar ghearrliosta, déanfaidh an coiste athbhreithniú air.

Má éiríonn le d'iarratas, cuirfear litir thairisceana chugat ina sonrófar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanás ann go mbronnfar dhámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhaint faoin gníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dhámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

3.6 Achromharc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achromharc/> nó téigh i dteaghmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.